

“MAJIBU YENYE FAIDA”

NO.7

KUHUSU

MASWALI YANAYO FUNGAMANA NA MIFUMO MIPYA

MTUNZI, SHEIKH SWALE BIN FAWZAN AL FAWZAN

(ALLAH AMUHIFADHI)

MFASIRI, ABUL ‘AALIYAH ‘UMAR BIN MUHAMMAD KONDO

(ALLAH AMSAMEHE NA AWASAMEHE WAZAZI WAKE NA WAISLAMU)

PONGWE – TANGA – TANZANIA

Swali la nane: Je..! (kutafaa) kuchanganyika na makundi au yatahamwa (yataachwa)?

Jawabu: Kuchanaganyika kukiwa kwa lengo la kuyalingania (makundi hayo) kutoka kwa wale wenye Elimu na utambuzi kuwalingania kwenye kushikamana na kitabu(Qur'an) na sunna(Hadidhi sahihizilizothibiti) na kuachana na makosa basi jambo hili ni zuri,nako ni katika kulingania kwa ajili ya Allah.

Ama ikiwa kuchanganyika pamoja nao ni kwa ajili ya kuwaliwaza (kuwaondeshea simanzi na huzuni na upweke) na kusuhubiana nao bila ya kuwalingania na bila ya kuwabainishia basi hili halitafaa.

Haifai kwa mtu yejote kuchanganyika na wenye kukhalifu (sharia)isipokuwa kwa namna ambayo ndani yake kuna faida ya kisheria,kama kuwalingania kwenye uislamu wa sawa,na kuwawekea wazi haki ili wapate kurejea.

Kama alivyokwenda ibn Mas'uud-Allah amridhie-kwa wazushi (watu wa bid'ah)ambao walikuemo msikitini akasimama dhidi yao na akawakemea uzushi wao.

Na Ibn ‘Abbaas-Allah amridhie yeye na baba yake-alikwenda kwa makhawaariji (waasi dhidi ya watawala) akajadiliana nao na akazivunja shubha zao (hoja zao tata) na wakarejea waliyorejea (kwenye haki).

Basi kuchanganyika nao kukiwa kwa namna hii basi huko
ndiko kunakotakiwa,na wakiendelea na batili yao
kutapasa kuepukana nao na kuwatupilia mbali na
kupambana nao kwa ajili ya Allah.